

BIBLIOTHECA
REGIA
JAGELLONICAE



*Copia Literarum Serenissimi Regis Magnae Brit-
tanniae ad Sacram Regiam Majestatem Poloniae.*

Georg. II.

P. T.

August II.

34.022.111



Ulm vehementer perculsus nobis esset animus, atrocissimâ Sententiâ in Cives Thorunenses pronuntiata, Literas scripseramus ad Majestatem Vestram jam jam mittendas, quibus spes erat, aequitatem mansuetudinemq; Vestram ita commotam fore, ut severitatem Sententiæ istius acerbissimam plurimum mitigaret.

Verum Sangvinem miserorum Civium Thorunensium adeo potenter siterunt efferati, Implacabilesq; eorum inimici, ut etiam tempus præstitutum cædibus, cruciatibus, carnificina anteverterent, ne humanitati, Intercessionibusq; locus relinqueretur. Nuntio tam imperato cohortelcentes, Literas istiusmodi, mortem, sangvinemq; deprecantes, supervacaneas fore judicavimus, cum DEI potissimum justissimi illius vindicis, animadversioni, hominum innocentium, crudeliter, iniquissimèq; capite plexorum strages committenda esse videatur. At enim verò, cum cruentis hæc supplicijs haud satiati Civium Thorunensium Carnifices, pergant etiam Jura, Libertates atq; Privilegia antiquissima, Civitati nihil tale merita adimere, Ecclesias porro Scholas, Magistratusq; pro libitu suo Protestantibus sive Dissidentibus, uti appellantur, auferre, ac Sanctissima & nullo modo temeranda Pacis Olivenfis fundamenta convellere contentur, diutius equidem silere nequivimus.

Non solum Religionis Evangelicæ defendendæ studium, quo tenemur ardentissimum, nos concitat ad Fratres, injurijs calamitatibusq; oppressos, commiseratione debita prosequendos, sed etiam Fæderum fides, & Coronæ Britannicæ Fidejussio, quâ Carolus II. Antecessor Noster in hoc solio beatæ memoriæ, Pacis Olivenfis Leges inviolabiliter conservandas susceperat, nos laceflunt, provocantq; ad causam Civitatis Thorunensis, Carrantiâ etiam Britannicâ amunitæ, tutandam asserendamq; ! Quo circa seriò admodum, enixèq; rogatam volumus Majestatem vestram, ut ex mente pacis illius solennissimæ & perpetuæ, in Monasterio Olivenfi confectæ, curet, quo Thorunium Regalis Prussicæ Civitas, Juribus, Libertatibus, ac Privilegijs, tam Ecclesiasticis quàm profanis, illibate plenissimèq; gaudeat & fruatur, ut soveat Ipsa, tueaturq; Paternâ sollicitudine Magistratus, Communitatem, Cives, Incolas, subditosq; dictæ Civitatis Thorunensis, restituatq; in integrum, quidquid immutatum, turbatum, ablatumq; fuerit, contra sensum clarum, dilucidumq; pacis suprascriptæ. Hic nobis animus est, atq; eundem fore reliquis Fidejussoribus confidimus, Civitatem Thorunensem ob tumultum isthunc, per plebeculam imprudentem fortè excitatum, minimè meruisse, ut juribus atq; immunitatibus antiquis, & Fæderum Sanctitate confirmatis exuatur, verum violari penitus Pacem Olivensem & fas Jusq; tolli, si Magistratum delectus mutetur, si Ecclesiæ Scholæve Protestantibus auferantur, aut deniq; si in rebus vel Ecclesiasticis vel Civilibus à pristina norma quovis modo desectatur. Atq; ut Fidejussorum partes sunt monere amicos, & sedulo operam dare, ne quid detrimenti capiat Fæderum Religio, Maiestatem Vestram iterum atq; iterum rogamus, obtestamurq;, ut velit sine mora omnem ansam justitiæ huic querimoniae præcidere, quo nobis, reliquisq; Principibus ac Statibus fiat satis, & vulnus hoc gravissimum, Paci Olivenfi impostum, quancio cyus sanetur, reficiaturq;, ne Officijs Conscientiæ permoti, & vi Fidejussorum coacti, nos cum universa Natione Britannica, quæ summo cum doloris sensu atq; indignatione maxima, cladem Thorunij editam accepit, atq; alij pariter ex Fidejussoribus, Paciscentibusq; communicatis Consilijs remedia aliundè tanto malo congrua quæramus, comparemusq;. Quod superest &c. Dabantur in Palatio nostro D: Jacobi Die 15 Januarij. 1725.

A

Copia

30 x 1076

*Copia Responsi Sacrae Regiae Majestatis
ad Regem Magne Britanniae.*

P. T.

EX Responso Nostro ad Literas Credentiales Nobili Eduardo Finch Armigero ac Ministro in Comitibus Ratisbonensibus Majestatis Vestrae, dato, sufficienter patuit Majestati Vestrae ratio dilati Responsi Nostri ad alias Majestatis Vestrae de 15. Januarij scriptas, per eundem Ministrum Nobis traditas, & ad Repraesentationes per ipsum oretenus factas. Post reditum itaque Nostrium, explorato sensu hocce in negotio, Nobis à Majestate Vestra commendato, hic pro nunc praesentium Senatorum & Ministrorum Status Eiusdem Regni Nostri, ad praefatas Literas respondemus; perpensisque maturam deliberatione omnibus hujus negotij circumstantijs, advertimus & incusamus sinistras, ac veritati plane contrarias delationes de Causa Thorunensi, latoque in eadem Decreto, quae animam Majestatis Vestrae, Inclytamque Nationem Britannicam exagitarunt, ac ad tales Literas, & ad Repraesentationes acerbiores occasionem dederunt. Quemadmodum autem amicitiam Majestatis Vestrae summopere aestimamus, & optimam inter amicas Gentes cointelligentiam optamus, ita Ministris Nostri injunximus, ut dictum Nobilem Eduardum Finch Majestatis Vestrae Ministrum informarent genuine, de enormissimo crimine & de justitia ac moderatione latae Sententiae in Causa memorata. Ad hanc igitur, per Ministros Nostros Nobili Finch datam, uberiores informationem & Responsum nos referentes, in hac manemus fiducia, quod cognita justitia, Vestra Majestas & Inclyta Natio Britannica, illos nocentes reputabit, in illos sensum doloris & indignationem convertet, qui tam improba Relatione commoverunt animum Majestatis Vestrae ad hujusmodi acerbiores querimonias, inter Nos Gentesque Nostras excitandas; Nobis autem & Inclytis Nationibus, quarum Regimen DEUS Nobis concessit, istas suppositiones ac sensibiles exostulationes, recta amicitia tua & mutua benevolentia compensabit, Catholicosque subditos & Incolas Dominiorum Majestatis Vestrae in sua protectione fovebit, prouti Nos etiam justum respectum habebimus Recommendationum Majestatis Vestrae in favorem Subditorum Nostrorum in Religione Dissidentium, in Regno Nostro & Magno Ducatu Lithvaniae degentium. In hoc voto & spe Divini Numinis tutelae Majestatem Vestram commendamus Dabantur in Regia Varsaviensi Die 18. Mensis Augusti. 1725.

Responsio ad Repraesentationes Illustrissimi Domini Edvardi Finch Armigeri ac Ministri in Comitibus Ratisbonensibus Serenissimi ac Potentissimi Magne Britanniae Regis, per Nos Ministros Status Regni Poloniae & M. D. Lithvaniae. Data Varsaviae Die 18. Augusti 1725.

EX mente & Beneplacito Sacrae Regiae Majestatis Domini Nostri Clementissimi & praesentis Senatus, ad Repraesentationes Illustrissimae Dominationis Vestrae hanc respondimus Eidem Responsum.

Damus imprimis Informationem in Scripto, intuitu Decreti lati & ad Executionem deducti in Causa Thorunensi.

Ex hac Informatione reali dignoscet Serenissimus Rex Magnae Britanniae, quod si eam habuisset, non potuisset unquam pro Conscientia interponere Instantiam suam, favore tam atrocium Criminum reorum, nec exposit tam fervidam facere exostulationem.

Universus Orbis informatus de circumstantijs tam atrocissimi & enormissimi sceleris, admirabitur potius Moderationem & Clementiam Judicij Regij, in puniendo tam horrendo crimine.

Sacra

Sacra
tus
N
parit
Supe
Et
vento
pund
denti
dum
Qu
videl
Bellu
Domi
Exer
non
nitus
No
quan
public
Reipu
effusi
oppug
eo ip
cipem
fidium
Sed
fistere
ter &
luté c
matio
Si J
Brittan
nensis
mnum
Honor
dum e
pter L
optent
Trib
rare p
Fasti g
riorum
sola, a
gessit
ribus,
mo Re
exercitu
& firm
mus, &
peravit
quemad
bis trib
Eo n
omnes
calefci
Dissid
possunt
Adeo e
est cert

Sacra Regia Majestas Dominus Noster Clementissimus & Respublica nullos habet Tractatus cum ulla Potentiâ, ratione Dissidentium in Regno & M. D. Lithvaniæ existentium, Non habet nec habere debet ullam à quopiam dependentiam, tanquam Domina sui absoluta, pariter ut & aliæ Potentiæ in materia Religionis, & in omnibus negotijs Statûs, non alium Superiorem, nisi DEUM & Ensem recognoscendo.

Et si Sacra Regia Majestas Dominus Noster Clementissimus in virtute Pactorum Conventorum cum Republica, obligatus est Pacem inter Dissidentes tueri, nonne hoc idem punctum obligavit Judicium Sacræ Regiæ Majestatis, ad punienda talia crimina in Dissidentibus, Pacem internam convellentibus, quibus non exorbitantibus, sed quieté secundum præscriptum Legum viventibus, eadem pax conservatur.

Quo ad Tractatum Olivensem, Hic qualiter violatus sit, notum est universis: Quod videlicet per Suppressionem Religionis Catholicæ Romanæ in Livonia, & per ultimarium Bellum Svecicum Reipublicæ Pacem desideranti, Mediationem inter Serenissimum Regem Dominum suum & Regem Sveciæ defunctum proponenti, & in occursum non cum Exercitu, sed cum Legatione ad hunc finem obvianti, illatum, ac sub specie Hospitis non Hostis intentatum, cum ingenti ruinâ ac desolatione Provinciarum Reipublicæ penitus infractus est.

Non manutenerunt hunc Tractatum & aliæ Potentiæ ad Guarrantiam pertinentes: quando non solum pro hac injuria non reclamârunt, & Serenissimum Regem atq; Reipublicæ ingentibus exactionibus, Villarum, Oppidorum, & Arcium combustione, cum effusione Sangvinis Christiani funditus devastabantur, & quando Civitas Thorunensis in oppugnatione ac deditioe sua, veram non imaginariam calamitatem graviter patiebatur; eo ipso tempore Sacram Regiam Majestatem Dominum Nostrum Clementissimum, Principem Bellicosum, Exercitûs Utriusq; Gentis, paratos ad ferendum obseſſæ Civitati subsidium, ordinantem, spe pacis, actualiq; ejus tractatione, a ferendo auxilio revocârunt.

Sed dato, non concessô, quod hicce Tractatus Olivenſis absq; sua redintegratione subsisteret, tamen Serenissimus Rex Magnæ Britanniæ ex hoc Decreto legitime, regulariter & servatis juris gradibus lato tum & ex informatione perspectum habebit, nihil absolute contra hunc Tractatum in Causa Thorunensi actum esse; prout hæc eadem Informatio Illustrissimæ Dominationi vestræ in scripto data, evidenter demonstrabit.

Si Illustrissima Dominatio Vestra, aut aliquis alius Minister Serenissimi Regis Magnæ Britanniæ fuisset præsens Varlaviæ eo ipso tempore, quando in Comitibus Causa Thorunensis agitabatur, audivisset congregatorum ex Gentibus Statuum voces, ac per eos omnium Palatinatum, Terrarum & Districtuum conclamantes justitiam & vindictam læsi Honoris Divini, violatæ Immunitatis Ecclesiasticæ & Securitatibus publicæ: Nec dubitandum est de simili in Polonia Episcoporum & totius Nationis vera resolutione, quod propter DEUM & Honorem suum omnia Sacrificare sint parati; & licet extrema non exoptent, attamen eadem unanimis ipsis inest voluntas, in casu necessitatis facta factis opponere.

Tribuimus cuiq; Nationi suas Laudes, sed & Nos provocati, sine jactantia commemorare possumus, quæsitam meritis Gentium Nostrarum gloriam. Pleni sunt Historiarum Fasti generosæ fortitudinis, & Bellicæ Virtutis earundem: Prætereamus Silentio Anteriorum Sæculorum varijs cum hostibus acta, liceat tamen innuere ea, quæ Natio Nostra sola, absq; Colligatorum Armis, contra Potentiam toti Christianitati terribilem fortiter gessit sub Vladislao protunc Principe Regio, demum Rege, tum & sub alijs ejus Successoribus, præcipuè etiam sub Joanne Tertio gloriosæ Memorix, & sub Moderno Serenissimo Rege feliciter nobis Dominante, quando ad solam famam, appropinquantis cum Exercitu Majestatis, Pax Carloviciensis successit. Vidit & modernum Sæculum fortitudinè & firmitudinem Gentis Nostræ, quando Serenissimus Rex Dominus Noster Clementissimus, & si cum parte tantum modò Subditorum suorum, alijs in scissione manentibus, superavit omnes adversitates, quarum sub tempus Belli nemo expertus fuit: Ac prout quemadmodum Nos nemini quoquomodo derogamus, ita quivis non ignarus rerum, Nobis tribuet affirmabitq; & nos esse Gentem parem sustinendæ resolutioni.

Eo magis si ageretur de defensione veræ Fidei Sanctæ, certè nulla foret Scissio, sed omnes libenter sese sacrificarent pro manutentione ejus: Est DEUS in nobis, agitante caleſcimûs Illo.

Dissidentes in Religione sub svavissimo Dominio Sacræ Regiæ Majestatis degentes, non possunt conqueri, quasi de violatione legum Patriarum, professioni ipsorum terventium; Adeo enim hæc falsæ ipsorum relationes, sunt alienæ à veritate; prout è converso res est certa, quod iidem Dissidentes non contenti concessâ ex gratia Regum & Reipublicæ professi-

professione, eadem indulgentiâ temeré abutuntur, pacem internam turbant, & convellant, & quod majus, Religioni Orthodoxæ Dominanti multa valde præjudicia adferunt, Remedia violenta, detrectando jurisdictiones competentes, illicita, Legibusq; Patrijs prohibita quarunt, ac per vias artesq; obliquas procurant.

Et licet tam enormibus attentatis, omnes gratiæ & respectus Sacræ Regiæ Majestatis & Reipublicæ amissionem promeruerunt, attamen nihil contra ipsos Sacra Regia Majestas cum Statibus Reipublicæ statuit, intuitu harum exorbitantium, & parata est ulterius quoq; eos protegere, ob æstimationem Amicarum intercessionum Serenissimi Regis Magnæ Britanniæ favore eorundem, Sine præjudicio Religionis Orthodoxæ Dominantis, & legum Patriarum: idq; in hac fiducia & expectatione, quod Serenissimus Rex Magnæ Britanniæ & Natio Brittannica vicissim eandem æquanimitatem Catholicis, in Ditionibus suis exhibitibus demonstrabit, quatenus possint desiderata in exercitio Religionis suæ frui libertate. Sperat Sacra Regia Majestas Dominus Noster Clementissimus, quod reproductæ Informationes reales depellent totaliter injustas & sinistras relationes, atq; impressiones, convincent de Justitia, retorquebunt indignationem & resentmentum in eos, qui rem finistré deferebant, Justitiam in injustitiam, moderatam pœnam in excessivum rigorem falsis nominibus commutabant: & quod prout Reges Domini Nostri juncti Sangvine & amicitia, ita & Gentes ipsorum in solida permanebunt harmoniâ.

Hanc igitur Informationem & Responsum ex Mandato Sacræ Regiæ Majestatis Domini Nostri Clementissimi & ex mente Senatus præsentis dando Illustrissimæ Dominationis Vestræ concludimus: Quod si præter expectationem nostram non deberet totaliter satisfacere Serenissimo Regi Magnæ Britanniæ, quatenus in futura Comitiorum Reassumptione mentem suam Congregatis Regni Ordinibus exponat: Tales enim materiæ, quæ totam Reipublicam tangunt, & ad Ordines Regni pertinent, non aliter resolvi possunt, quàm in Comitijs, circa indilatam Eorundem ex Limitatione Reassumptionem, ex re & commodo publico.



ru
dic
edu
Le
del



facile
Pr
Cath
& po
Augu
arcea
Sim
curia
fita
ta R
N
Reg
infur
mult
Gion
Ha
Anno
os G
nati
tis
bant
fenes
fam
rabile
inter
legia
bus,
Altar
aggre
concl
muti
ex
subfa
facin
bere
m
ubi

*Relatio vera, quomodo & quibus de Causis Tho-
runenses Cives ob commissa sua crimina in Ju-
dicio Sacræ Regiæ Majestatis judicati, & post
eductas Inquisitiones Partium juratas ad pœnas
Legum Regni condemnati sunt, & quia pœnæ pro
delictis illorum irrogatæ non derogant quidquam
Pactis Olivenfisibus.*



Sexcusare, sufficit, nullus in Orbe esset nocens, quisq; etiam scele-
ratissimus evidentissima sua crimina extenuat, excusat, defendit, id
planè conspicimus in facto damnabilissimo Thorunensis Civitatis,
quæ postquam Divina, humanaq; jura violavit, speciem induta in-
nocentiæ, quærit compassionem & patrocinia, per gravissimam diffama-
tionem iustissimi Judicii Sacræ Regiæ Majestatis & totius Reipub-
licæ Poloniæ. quasi iniurii & partialis pro Passione non pro æqui-
tate agentis, proinde congruum est, ut Causa Thorunensis genuinè
oculis omnium exponatur, quæ ipsa sua immanitate Sacrilega
facile defendet iustitiam.

Pro Informatione meliori notandum, Primo. Quia in Civitate Thorunensi Religio
Catholica à Cruciferis illuc introducta, continuò non solum ante bellum Svecicum, sed
& post bellum viguit, & in hucusq; viget, habetq; provisam sibi securitatem, ne ab
Augustanæ Confessionis Magistratu opprimatur, & ne Catholici à gerendis Magistratibus
arceantur sub pœna quingentorum Aureorum Constitutione Anni 1638. fol: 44.

Similem quoq; Religiosi Patres Soc: JESU in hac Civitate degentes, vallatam habent se-
curitatem, cum concessione Scholarum, artiumq; liberalium ibidem exercitatione, interpo-
sita contra Magistratum pœnâ, de invasione Domûs Nobilium Sancità: (quæ iuxta Statu-
ta Regni est privatio vitæ:) Constitutione Regni Anni 1607. fol. 884.

Nemini quoq; ignotum est quomodo Cives A catholici Thorunenses, spretis Legibus
Regni, sæpius contra Catholicos, imò & ipsosmet Episcopos loci Ordinarios violenter
insurrexerint, Jesuitas expulerint: (quorum Reinductio Lege Regni erat demandata:) tu-
multuariq; consueverint, & postea suis modis pœnas promeritas evaserint, & semel ere-
ctione Turris Culmzensis redemerint, unde insolentiores redditi sunt.

Hac spe immunitatis ducti, quod præteriti illorum tumultus leviter transirent, recenter
Anno proxime præterito 1724. Mense Julio ex levissima eaq; puerili occasione per su-
os Gymnasistas Thorunenses tumultum excitarunt. Cui tumultui plurimi etiam possessio-
nari se immiscuerunt, qui violenter & magna vi foribus Collegii & Scholarum effra-
ctis Patres Soc. JESU invaserunt, & ibidem quidquid occurrerat fragile, armis frange-
bant, secabant, confodiebant, imò explosis sclopetis & bombardis trajiciebant, fornaces,
fenestras, mensas, libros destruebant Cubicula devastabant, suppellectilem totam Religio-
sam diripiebant, Religiosos obvios percutiebant, vulnerabant, unum ex illis qui Vene-
rabilis SACRAMENTUM defendere satagebat usq; ad mortem (quæ aliquo temporis
intervallo subsequuta est:) miserabiliter & lethaliter contuderunt, Crevit ausus ad Sacri-
legia, Omnes Imagines Christi Domini, Deiparæ Virginis & Sanctorum gladiis, pugioni-
bus, ascis, secandis, fodiendo, lacerando, barbarâ planè sævitie, tandem etiam Oratoria,
Altaria & Sacellû ubi Sacratissimû SACRAMENTUM prætens adorabatur, impiâ feritate
aggressi sunt, Altaria profanarunt, imò penitus disseccarunt, Imagines pedibus contriverunt,
conculcarunt, Christi Crucifixi Domini Salvatoris effigiem sculptam pedibus & manibus
mutilarunt, Imagines Deiparæ & Patronorum Regni Poloniæ in publica platea, instructo
ex Altaribus & Cathedris accenso ferali rogo, cum magnis in DEI Matrem blasphemis,
subsannationibus, cachinnis, & saltibus concremarunt, hæc autem crimina & immanissima
facinora Thorunensium, qui excusare, extenuare, aut defendere volunt, præ oculis ha-
bere debent sequentia.

imo. Quia in Dominiis Catholicis Domus Religiosæ multo magis Oratoria & Sacella,
ubi asservatur Sanctissimum SACRAMENTUM, & Altaria dedicata, adeo privilegiata, ut

ex illis nefas sit etiam sceleratissimum vi extrahere, certe non minoribus hi loci gaudent immunitatibus, quam Regum, Principumq, Palatia, quorum violatores jure communi severe puniuntur.

2do Quod apud Catholicos Imagines Christi Domini Nostri Salvatoris, DEI Genitricis & Sanctorum, praesertim Tutelarium Regni, sint in maiori longè honore, quam sunt Imagines Regum & Principum, quae tamen si ab aliquo malitioso iniuriâ afficerentur multo magis, si in aliqua Civitate in publica platea contumeliose cremarentur, Profanatores & Combustores earundem Imaginum, criminaliter punirentur, & ipsi Gentiles pro suis Sacris Altaribus justam sumerent vindictam.

3tio. Quia haec omnia facta sunt in contemptum Religionis Catholicæ Dominantis in Regno Catholico, sub Rege Catholico à Subditis eius.

4to. Quia Civitas Thorunensis & cæteræ Civitates speciali statuto Regni à Sigismundo Primo Rege Anno 1522. habent securitatem & tranquillitatem provisam à quavis violentia inferenda, quam tamen ipsimet Jesuitis intulerunt, & statutum hoc Constitutionesq, Regni violarunt.

Antequam autem condescenderet Judicium Sacræ Regiæ Maiestatis ad formandum in hac Causa Decretum designavit Commissionem ad Inquisitiones in loco delicti educendas adhibendo Commissarios in numero extraordinario, eosq, ex Ordine Senatorio Proceres Regni & Officiales Palatinatum, Viros omnes Conscientiæ intaminatæ & fidei apud Rempublicam probatissimæ.

Hi non perfuntorie nec præcipitanter, sed ultra duas hebdomadas continuò de die in diem circumspectissime scrutando facta & attentata Juratos utriusq, Partis testes examinarunt, subscriptosq, omnium Commissariorum manibus, & singulorum Sigillis munitos ritè clausos inquisitionum rothulos ad Judicium Sacræ Regiæ Maiestatis remiserunt.

Tandem Causa post tres terminos Juridicos legitime incidens ex utraq, Parte coram Judicio Sacræ Regiæ Maiestatis ingenti motu est agitata, quod Judicium pro Maiori Autoritate & iustitia conflatum ex ministris Regni, & M. D. Lithvaniæ: Senatoribus Proceribusq, ac Marechalco Comitiorum, & Nuntiis ad Comitia Congregatis, omnibus Viris plenis Autoritate, peritiâ Legum & iustitiâ insignibus; hi utriusq, Partis rationes & defensas ad lancem Legum & Jurium Regni ponderabant, ultra hebdomadam integram istius unius Causæ iustitiæ intendentes, demum post longam & maturam deliberationem fecit Decretum contra Tumultuarios & Sacrilegos Thorunenses, in omnibus Punctis observando Leges & Statuta Regni, Leges etiam communes, Leges Culmenses & Saxonicas prout ex contextu eiusdem Decreti apparet.

Hinc quisq, prudenter inferre potest, quod tale Judicium tam Authoritativum, tam prudens, tam iustum, nullum præiudiciosum Legibus, Juribus, & Privilegiis Decretum formavit.

Descendendo ad particularia patuit ex inquisitionibus, quia per quatuor horas & mediam durabat tumultus, huic tumultui adstabant armati milites Civitatenses & frequens recursus Catholicorum cum precibus & lachrymis ad Præsidentem iterabatur, ut sedaret tumultum. Interim his omnibus stantibus nec digitum quidem movit Præsides ad sedandam hanc tempestatem, & licet tres Quartieras: (alias Exdivisiones:) Civitatis contra quemlibet Civem sub pœna triginta Imperialium imposita per famulos suos cum armis evocari fecit, Quæ tamen Quartieræ, nihil contra tumultum egerant, quinimò illi assistebant, itaq, non erat excusabilis Præsidentis, non tantum à gravissima & culpabilissima contra suum Officium dissimulatione, verum etiam & complicitate.

Pariter Vice Præsidentis ante cuius fores Rogus ex Altaribus ad comburendas imagines instruebatur, & in illius oculis Imagines cremabantur, & qui tumultum præstò furentem è fenestra Domus suæ prospiciendo animavit, ad sedandum ex Officio suo sese non applicavit: (uti iurati Testes deposuerunt:) non erat excusabilis.

Burgrabius similiter eiusdem Civitatis ex Domo sua satis distante propius accessit, & per semiduas horas tumultum & scenam miserabilem spectabat, & ex vi muneris Burgrabialis ad sedandum hunc tumultum non concurrebat, excusari non potuit.

Clare patuit malitiosa & punibilis Primorum Civitatis Capitem dissimulatio ac conniventia in hoc tumultu ex Testium Juratorum depositione.

Ex his tribus Præsidentis capite plexus est, Vice Præsidentis simili quidem pœnâ condemnatus, tamen ad instantiam Partis Actoreæ & Catholicorum ad clementiam Sacræ Regiæ Maiestatis per Commissarios: (qui ad Executionem Decreti Regii deputati erant:) remissus. Burgrabius non nisi ad Sessionem Turris destinatus, quæ ipsa pœna à Parte Actorea illi est condonata.

Novem subierunt pœnam Capitis, quàm tam ipsi, quàm plures pro sola invasione Collegii Jesuitarum iuxta Leges Regni & specialem Constitutionem Regni supra allegatam Anni 1607. Jesuitis fervientem promeruerunt, ex Clementia tamen Judicii, hi novem, qui erant manuales Patratores concisarum & combustarum Imaginum, nec non tumultus Incendiarij & Promotores, non atrociori morte puniti, nec plures uti Leges requirebant, capite plexi sunt, certè si Catholici huic tumultui se immiscuissent, pari vel severiori cum illis pœnâ multati essent.

Reliqui Invasores Scholarum & Collegii, Damnificatoresq; Sessione Turris, pro mensura excessus puniti, quibus omnibus ex Clementia Commissariorum & Partis Actoreæ indulgentiâ pœna hæc relaxata est.

Reliquæ pœnæ in Decreto Judicii Sacræ Regiæ Maiestatis expressæ, quæ totam Civitatem afficiunt, quia tota Civitas & Magistratus atq; Officiales: (uti Inquisitiones iuræ testantur:) ad hunc tumultum contribuebant, non tam pœnæ censendæ, quam executio Legum ad effectum deducta, iuxta dictamen ipsius iustitiæ, quæ cuiq; quod suum est reddere iubet, scilicet Templi nulliter occupati & Gymnasii ex Monasterio privatim facti restitutio, & in alium locum permessa translatio, ad munia Civilia Catholicorum admissio, damnorum causatorum refusio.

Sciendum etenim primo. Quod Templum Beatissimæ Virginis fuerit & sit proprium PP. Bernardinorum, illudq; ipsis nullo iure A catholici ademerunt, malâ fide possederunt, ad multas instantias & Regum Poloniæ mandata restituere noluerunt, uti Literæ Regum Sigismundi, Vladislai, Joannis & alia Literatoria documenta producta in Judicio, edocent, quàm Ecclesiam RR. Bernardini ob suam Religiosam modestiam, & uti mendicantes impensis ad movendam litem carentes, iure vindicare non potuerunt, crebris tamen supplicationibus, Regibus porrectis, & Protestationibus factis, de recuperanda opportuno tempore eadem Ecclesiâ fecerunt, atq; in Judicio Regio, dum Causa inter Patres Soc: JESU atq; Civitatem Thorunensem agigaretur, intervenerunt, proprietatem illius deduxerunt, A catholici verò nullum Jus ad eandem Ecclesiam produxerunt, itaq; Jure merito in eandem Ecclesiam, de qua expulsi erant, ex Decreto Sacræ Regiæ Maiestatis reinducti sunt. Quibus Religiosis inventarium huius Ecclesiæ non ex integro, uti olim interceperat Magistratus Thorunensis restituit.

Sciendum secundo. Quod Gymnasium Thorunense fons & origo non tantum præsentis tumultus, sed & aliorum antea fuerat, estq; ex Monasterio Religiosorum Bernardinorum privatim erectum, & non est Authoritate Regum & Reipublicæ approbatum, cum tamen Leges huius Regni non permittant Scholas publicas erigere, neq; ostendi possunt hoc in Regno aliqua erectæ Scholæ, quæ non sint per Constitutionem Regni ratificatæ, itaq; ex nullitate erectionis, & quia in Monasterio RR. Bernardinorum erectæ, tum ex Causâ tumultuum, multarumq; inconvenientiarum hoc Gymnasium RR. Bernardinis, uti proprietariis Decreto Sacræ Regiæ Maiestatis adiudicatum est: Satis gratiæ habent Thorunenses, quia illis Judicium Sacræ Regiæ Maiestatis alium in locum extra Civitatem Thorunensem Scholam seu studium transferre permisit.

Sciendum tertio. Quod per Decretum Judicii Sacræ Regiæ Maiestatis demandatum sit, quatenus in Magistratu Thorunensi, aliisq; muniis Civitatis per medium Catholici sint constituti, hoc primo quasi ex Jure Naturæ factum, uti in Civitatibus Regni Catholici, sub Rege Catholico habeant ius ad munia Civitatis, prout è converso in omnibus Regnis & Dominiis Dissidentium nullus Catholicorum ad Magistratum & alia munia admittitur. Secundo. Quia est expressè Regni Constitutio supra allegata Anni 1638. ne sub pœna quingentorum Aureorum ullus Catholicus impediatur à muniis & Officiis in Civitatibus Pruthenicis obeundis; Leguntur etiam Rescripta Regum Poloniæ, ut ad Magistratus gerendos soli duntaxat Catholici & Augustanæ Confessionis admittantur.

Quod etiam & Decretum Joannis III. Regis 1678. edisserit, neq; etiam Thorunenses aliquam Legem vel Privilegia habent, quæ ipsis contra Catholicos suffragari possint excluderent Catholicos à gerendo Magistratu & Officiis Civilibus.

Nulla etiam est mentio in Pactis Olivenfis de Templo & Gymnasio Thorunensi & de Magistratu integro Luteranensi constituendo, unice in his Pactis præscribitur, quo ad Civitates Pruthenicæ, ut illis sit Exercitium liberum Catholicæ & Evangelicæ Religionis, quod etiam iisdem Evangelicis per hoc Decretum non est prohibitum, imo Jura eorum eodem Decreto de Electione Magistratus salva sunt reservata.

Neq; etiam Pacta Olivenfis permittunt A catholicis Residentias Spirituales & Religiosorum Catholicorum invadere, Oratoria destruere, Imagines lacerare, comburere, aliaq;

crimina patrare, prout Thorunenses patrarunt, neq; etiam prohibent pro patris criminibus A catholicos subditos Sacrae Regiae Maiestatis, Iudicio eiusdem Sacrae Regiae Maiestatis punire, quibus Juribus Regni rebellem se haec Civitas exhibuit, nec deniq; eadem Pacta Olivensia antiqua Jura Catholicis servientia, Constitutionesq; Regni contra Dissidentes latis, precipue de non arcendis Catholicis a gerendis Magistratibus & securitate Religionis Catholicae ante Bellum Svecicum, convellunt.

Concludendum est, quod iuste & Sancte in tam graviter contra securitatem publicam & Religionem Catholicam in Polonia Dominantem delinquentes pro suo demerito puniri non habeant, quod iure conquerantur, & gratis omnino Principes & Monarchas Extraneos fatigent, & inquietent, quin potius Clementem sibi iustitiam Serenissimi Regis Poloniarum & Reipublicae depradicent.

Restat ut Serenissimi Principes ad quos Dissidentes seu Thorunenses recurrunt, persuasum habeant, quod pii Reges ac Principes Catholici crimina contra DEI & Divorum Maiestatem acerbius ferant, illaq; ex obligatione Religionis suae severius punire debeant, quam contra Maiestatem suam propriam, utpote humanam perpetrata.

Persvasum quoq; Nobis est, quod iustissimi & prudentissimi Reges ac Principes Proximate tantum sceleratis Malefactoribus, Invasoribus, Occisoribus, Sacrilegis, Blaphematoribus, quales in Relatione facti Thorunensis superius demonstrati, assistere nolent, illorumq; crimina inulta non patientur, demum plus fidei & respectus dabunt Serenissimo Regi Poloniarum & Reipublicae, pro iustitia iudicanti, quam mendacibus Malefactoribus, iniuste querulantibus, promptis ad excusandas excusationes in peccatis.

